

湖北詩徵傳略

湖北詩徵傳略卷十一目錄

黃陂

明張濤

黃彥士

陳其棟

鄭倌

陳壽

方一鳳

張世祐

林盛

周詵

周誠

向在江

徐尙彝

鄧雲和

章煥然

王之梅

釋明照

釋道恒

國朝

程允寵

姚繩虞

姚締虞

孫之珣

向古

徐元英

綦成周

王之斌

楊兆昌

金光杰

子國均

任潤

魯士俊

劉有勛

劉玉豐

何定漢

劉樹森

劉家柱

釋無爲

湖北詩徵傳略卷十一

黃陂

孝感丁宿章星海輯 子彝校字

明張

濤 字元裕一字振海號山是萬歷進士官遼東巡撫

濤初令富順多政績報最擢御史建言罷歸家居著書十五季  
諸位定起歛令巡撫遼東所艸奏疏忠義溢於言表不減李忠  
定陸宣公

濤少有學道濟世之志師事先桂巖公令歛豈好奇喜士福清  
布衣何璧投詩四章延爲上客大贈千金巡撫遼東上救邊五  
策晚年頗好釋氏亦蓄聲妓黃陂志不詳焉 顧黃公詩注

濤勛業彪炳故不以詩傳偶見木蘭墳歌音亮思沈極變化離

合之妙爲名家集中所不多見始知鐘鼎掩文章之說爲不盡  
然木蘭將軍歌云木蘭山上青艸發將軍塚裏埋香骨殺氣應  
隨艷魄消真心不向貞魂歿憶昔閨中聞鼓鼙曾拋機杼逐旌  
旗卽戎非女子市羈有男兒誓把雄心赴金柝鳴鞭直抵長城  
窟寶劍磨殘黑水雲雕弓彎破陰山月英雄陣骨幾塵灰十二  
季來百戰回故園砧杵無人怨絕塞征衣好自裁絕塞烽煙式  
朝掃捷書飛出關山道含羞蔡女拍中笳掉臂明如墳上艸邊  
艸鳴笳別塞雲征人誰識女將軍願題彤管篇中字不羨燕然  
石上勛惆悵歸來啟故闌空房猶閉舊支機羅衣香冷鴛鴦死  
蘭幙塵生燕子飛燕子鴛鴦幾度春還閨原是別閨人臂上舊

紗痕未脫眉間新黛恨還顰可憐烈女腔中血不死沙場死聞  
闔百年心比匣中霜數寸腸分衣上鏤我賦大招招未還墳頭  
杜宇泣空山祠前明月朝朝鏡壚上屯雲歲歲鬢君不見漢寢  
唐陵卧鹿麋故都何處歎離離惟有木蘭墳不改青山猶自屬  
蛾眉

黃彥士

字抑美號武臯萬  
歷進士官御史

彥士與仲氏武濱弟兄師爰有二程風官御史直諫敢言舉朝  
咋舌一昔鐵面之稱震於中外卒以忤權要左還遂謝歸里居  
十載門徑蕭然日事講學屬纊昔猶正襟危坐目學問爲惓惓  
焉詩稿燹於兵僅傳二律

使事畢將歸甘露云簡命慙乘使者車楚天北望見吾廬驅馳  
異俗經三月採摭方言著五書匹馬背看棲越鳥孤帆閒伴晚  
江漁山中薜蘿還無恙古寺清泉賦遂初

重過甘露訪爻云郊原平起鬱嵯峨匹馬重來訪薜蘿城郭遠  
連流水出林泉晴入翠微多美人自愛匡廬社野寺翻成安樂  
窩深省不須清楚發欲從絕頂一高歌律格渾成警拔少許勝  
人多許也

陳其棟

字霽南貢生  
有近雲集

其棟少嗜學博通經史以先儒存誠主敬之論爲養心進學之  
本結廬甲山著書以終

送友歸赤壁云白頭話別黯如秋哀樂中年苦未休曉日晴雲  
猶悵恨風風雨雨況孤舟

鄭

佖

嘉靖進士  
官知府

佖孝友篤行剛正不阿甘貧苦學不事干謁官大理時給諫吳  
時來等疏擊嚴嵩下獄或諷令之死佖曰殺直臣以媚權倖奈  
天下後世何吳等卒獲全初佖微豈有以巫蠱詛之者其人挂  
誤殺人論死力爲白之得免工詩古文詞與京山李太史維禎  
善

陳

壽

字龍伯  
貢生

壽生而穎悟五歲能誦五經稍長溺苦於學嗜詩不屑帖括年



十五出試輒受知於葛屺瞻學使冠其曹與劉同人何綱卿齊  
名父喪未葬流賊猝至疑有貨財將斧其棺壽跪泣曰甯死余  
勿驚先人賊義釋之盧象升經略中原聞而賢之招入幕軍咨  
多所贊畫欲薦於朝力辭不受歸

鹵寺聞鐘句云門延朝爽蒼蛟起響送晨風白鶴來似王敬美  
集中佳句魯臺雙鳳云當年衰鳳狂歌楚重看雙棲入楚關吾  
道不緣今古異斯文卻在弟兄間亦妙有作意

方一鳳

字瑞甫號丹山  
有丹山詩錄

一鳳世居邑之道明山弟與貴號湛一少遇異人授秘籙靜久  
生慧唐應得羅文恭皆聯舟過訪文恭獨心契一鳳乃受學於

文恭嘗貽書曰劍聚精神精焉所業推而至於服食交游一切  
檢束此身便自樹大矣一鳳所學因之益粹工詩惜不傳

張世祐

字公望  
諸生

世祐生有至性父國勛以廣文靖難應城祐年十三尋屍不得  
斷左指血爲疏詣闕陳父死節狀得諡忠烈

登木蘭山云屹立雙峰接斗牛  
騶鸞跨霍僊仙游碧霄霧捲龍  
聳出紫殿煙含豹尾收瀑布朝飛千壑雨嵐光夕照萬山秋  
虛我欲尋丹訣雞犬雲深不可求

林

盛

字大材貢生  
有此觀堂集

盛學問賅博爲文力追古昔游京師爲藩邸教授歸究心詩古

文詞步武漢唐於楚詩三變之後能自成一家言詩史

周

誅字簡仲

誅負異才蚤卒唯傳雜詠式詩云鳩通其子三年不歸雨雲不食望嶺疾飛終日大海亦類醯雞磊落英多如讀古歌謠

周

誠字泰谷諸生

誠身短智早髯淒音楚調卒不永幸避亂寄懷劉子師尙云入郭尋春日數期三季風雨竟同之河山有難憂門戶烽火無端照子遺一別儒冠親鬼域百翻書卷老鴟夷流離未敢荒初夢念爾長歌梁父吟傷亂云門巷蕭然一徑寬家藏握粟未全寒百季帖屺延秦哭上國威儀望漢官纔有名山埋楚骨已無隙

地下漁竿朔風吹盡黃沙老燐火黏天世路難雜詠云披裘觀  
髮翁歟釣坐孤嶼水泛失長槁隔岸向人語

向在江

字南宗  
諸生

在江善屬文工畫詩蕭疎閒遠妙在筆墨之外士大夫雅重之  
久客得故園消息云歸心巫峽水日日亂濤橫春色憐三月閒  
愁上五更肯危憂歲儉客久笑囊輕喜得朝來信鄉關米價平

徐尙彝

尙彝端莊敦篤學宗二程嘗遠遊弟私鬻其產比歸弟忸怩不  
面妻欲督弟過彝曰汝烹鷄招來責之妻治具聚飲歡甚妻慍  
曰弟愧不敢面我以友弟故圖盡歡全天性耳一日拾遺金待

其人還之嘗有句云償債賣田全信義閉門教子忍饑寒其人其品殊足起景行之慕矣

鄧雲和

號魯山  
樵隱

雲和敦篤醇謹棲遲一室手不釋卷祝廣文世祿嘗詣廬語竟日出謂人曰古云獨行不愧影獨寢不愧衾鄧先生足當之矣

章煥然

字素夫

煥然幼穎異稍長目竹條擊空有聲不解聲從條出從空出窮之至廢寢食請業於黃守拙先生得探微窅黃曰吾衛有人矣生平旨良知爲宗旨知行合一爲學值明季寇盜縱橫嘆曰吾將入白雲深處矣與先八世祖漸齋公講學涇水土士林翕然宗

之國初應貢成均或勸之行乃微笑而言它有詩式卷惜不傳

王之梅

字泰汝

之梅性穎悟書無所不窺喜吟咏詩古而質直入唐人之室有中秋無酒詩云山齋喜見月生華有酒無錢不肯賒試揜柴門推月出請君去照五侯家爲名流傳誦

釋明照

字元鑑一字別山有衡岳唱和櫟堂詩等集

明照本阮氏子少值亂離薙髮爲僧性高潔工詩文與襄陽袁象昇方外交

哀蟲怨鳥酸楚成音大是出世而難忘世者夜不寐云永夜不

成寐縈懷字字淒亂離身易老雲水杖空攜林葉聽霜墜宿禽  
待漏啼漆園余有意所恨物難齊抱病遭世異何當夜苦長漏  
深蛩語切鐙暗鼠牙張歛重農頻困霖愆圃告荒老僧無五畝  
亦自墮淒涼落葉云祇謂金風已墜梧詎知林葉頓全屠留連  
大有逋臣恨狼藉鶩同出塞孤不謂梁鴻歌廬下爭看阮籍哭  
窮途煙霞若箇飄零態絕勝悲秋古畫圖

釋道恒

顧黃公詩注曰道恒名常真黃陂鄔氏子八歲爲僧慈山暮年  
入門弟子居廬山東林戒律嚴密有獨莽詩十卷兵火遺失七  
律如秋游雨湖云寺從落葉林中出水去枯江石上鳴煮酒爐

交橫樹下尋詩人太寥溪邊百艇皆漁橫檻小衆山是樹潑樓  
書五律如穠日云屋大不勝笠天昏爲變秋七言如王修微拍  
蓮子打鴛鴦云劈破蓮房取蓮子枚枚打過鴛鴦頸鴛鴦頸是  
睡昔交戈枚待打鴛鴦醒謝人送蘭云昨宵傘到白如蝶貼雨  
黏風總不飛師所至不攜杖拂唯旨詩辭佗佛事昔予錄所記  
憶爲一卷丙午罹於火崇禎辛巳師病脹自東林來旨書投先  
子云欲得湖山片地三生石上猶相見斯已矣訓日送至榕園  
予問師病有病起靈光換之句師彈指曰五字是余密咒也  
國朝程允寵

字義臣順治  
進士官知府

允寵初任南陽推官活冤獄七人廉明著聲改知平樂值逆藩



肇叛率士民固守會潰弁迎降乘間奔大帥營隨征有功授梧州同知

姚岱麓過訪山莊有句云蒹葭吹魚子飯蓑衣靜對鹿皮翁林下清德可想

姚繩虞

字孝升康熙舉人有花萼樓集

繩虞性冲穆恬於仕進晚歲山居杜門卻掃以詩酒自娛詩功力甚深七古雅學昌黎硬語盤空頗饒古意登木蘭山云木蘭峻削青天中上依帝座呼吸通南經瀟水滙江漢石蘿苔竹搖春風破石撐空僅弋綫懸崖直下淩空同紫梯翠嶂不可捫丹煙宋麻寒雲東淮南雞犬無蹤跡行當赤腳踏鴻濛

姚締虞

字岱麓順治進士官巡撫

孫之珣

中丞剛毅清介禁絕苞苴仕習爲之一變夜東王少叅舟中云  
薇省辭黃鶴蘭橈伴白鷗岸回江月抱天迥夕雲流銀漢乘霄  
上金陵逼歲流田租聞復減側識漢皇憂邕容和暢正始元音  
之珣號雪溪貢生天姿英邁嗜古力學經史百家無書不覽性  
喜山水游蹤遍天下題咏成帙尤工書胎息鍾王得者寶之

向古

字書及

五律格高調雅不落恒蹊寄懷周汝陽罷官歸里云如子猶淪  
落余安望積薪汰雖甯用我少且不如人薄俗多尤悔窮途減  
笑嚬老率兄弟隔魂夢想相親

徐元英

字子千乾隆舉人有懷文堂詩文集

元英生有異材十歲落筆千言薦舉博學宏詞科因和相當國不果然因是名播京師有南徐北薛之目

子千詩鎔冶騷雅出入漢魏泯剪裁之跡著錘鍊之深宏長風流力追正始爲黃陂數百季來開山巨手古體筆健意新運古無痕相傳君曾誤入權門旋知悔自潔遂爲屏棄終身故行路難弋詩咨嗟反覆言之不足又長言之幾有買盡六州鐵鑄錯不成之恨君子哀其志固當原其心也近體雄渾清越兼有其長且紀律森嚴倉卒不失尺寸洵爲吟壇宿將可目空絕前後矣

五七古工於發端夢覺云夢覺山雨來開門見明月古樹號秋  
風飄搖不可歇直坐云秋燈照無睡道心生遠鐘壁采蕩椒幃  
清典誰與同秋夜懷人云秋風下庭柯虛堂夜森冷熒熒尺檠  
輝飄飄弄孤影聽鶯曲云櫻桃亂落春如雨護花鈴動流鶯語  
洛陽女兒怨東風碧牕相對唬殘紅送兄云鵲鴝鳴過我鴻雁  
遠隨人漢上云大王風已歇賈客日云多人歸樊口雨船載武  
昌魚古渡人爭涉長空鳥倦還行路難云安用撐腸拄腹文字  
五千卷君不見相如卧病茂陵秋子虛賦罷無人薦好文天子  
願同昔楊意不逢空自銜吁嗟乎功名富貴不可期君但從我  
飲此金屈卮吾悲夫太行之騏驎歷九折而服鹽車奇材自顧

豈不愛輕試遂爲凡夫驅君不見白於之山其上多栢下根踞  
重泉上枝走雲隙一朝洛陽乏棟梁銅幹橫天耀金碧古來大  
器多晚成君不見木樅斨朝開莫落徒爾榮寒則思衣飢則思  
羹飽煖竊自知焉用它人勘它人哺麋不能使我不飢它人曳  
紈不能使我不寒高文尙獨娛要道難衆諧美物必先盡華飾  
多疑猜一身自餘皆長物浮譽於我何有哉與君駕輕舟言釣  
瀟湘北天寒魚在淵淵深渺難測魚我兩不知被獲甯非食莫  
猛於虎可飼而伏莫神於龍可豢而畜所以古達人功成不受  
祿抱膝吟蠭廬清風灑林木胡爲夸毗于生死戀華屋君不見  
咸陽市上歎黃犬狡兔不復東門逐人生諒所處何必作倉中

鼠君雖有夜光之珠明月之璐投人暗中反遭怒君雖有鳳皇  
之寶槩上彈虞韶下湯護古聲不合皆人心揜耳拂衣誰肯顧  
胡爲乎脂車秣馬輕行路君不見千金買燕石萬人稱藉藉百  
錢貲縣黎轉被兒童嗤繇來輕重任顛倒貧賤未免生羣疑君  
調蘭柱瑟我奏玉徽琴吳歛楚歌且停唱聽我爲歌行路險甯  
從猛虎食莫甜曲木林猛虎有甘乳曲木無嘉陰修綆可目測  
深井咫尺不諒它人心輕將意氣託親狎一朝失足嗟何及噫  
歎歎平行路之難人當思不逢失足安得知鹵登太華車軸折  
南浮滄海渺難越冬苦嚴霜夏苦熱魍魎伺人森見骨我有金  
鋪玉扉之紺宇又有紅粧之枕鴛鴦衾鋪衾薦枕置宇下與君

同眠共起無二心君不見昔日桃李花幾年成枯樹紅粧玉面  
不長妍可惜芳昔君不顧君不顧可奈何請君須臾去聽我行  
路歌家居傲妻子自言不是蓬蒿人式朝拂衣出門去唾手可  
已成功勛三年投刺無人揖裘毛剝落囊羞澀道逢故交莫肯  
留歸來還共妻孥集丈夫大名亦有昔眼前齷齪何足道此身  
未老當安之別嚴十九赫莽云且住爲佳耳遲遲亦孔憂病憐  
妻子瘦貧累故人愁日落江山靜天明水木秋鄉心與別意對  
酒總難酬晴川閣云漢水此南注長江正北流雙濤東下合孤  
閣晚來秋禹殿龍蛇古襄臺雲雨愁踟躕獨臨眺落日滿城頭  
雨止山寺歸途有作云谿流通曲折薄莫涉灣濃埜寺幾點雨

夕陽一半山坐看歸鳥盡行逐斷雲還却顧來時路煙深未可  
扳漢上唵云湖有郎官勝名從供奉標我來當月夜遺蹟已蕭  
條太息古人去清風不可招白鷗煙水外肯掠釣魚舫江城新  
雨過山寺夕陽微古渡爭先涉輕舟迅若飛沙禽人外遠煙樹  
望中稀羨爾忘機客臨流坐不歸題鸚鵡洲云卻月城邊鸚鵡  
洲前人作賦至今留更無芳艸萋萋綠唯見煙波淼淼愁曹樹  
西連雲夢濶大江東抱武昌流春鋤日莫沙汀遠羨汝知幾可  
自繇東羅莖九云關心去住感飛蓬澤國秋陰望不窮半樹水  
痕存岼柳一林霜信到江楓天連夢渚遲歸鷁地接瀟湘響暮  
鴻唯有羅含能好客淹留聊賦小山聚送劉養園歸都勻云高



清江雜錄卷二  
歌青眼望何人良會匆匆祇一旬海內共憐同調少天涯莫厭  
舉杯頻舟迴青艸湖邊雨家住採菱洞口春它日小孤明月夜  
清光何似漢江濱咏盆蘭云綺石黃磁灌溉勤芳菲何止十年  
薰誰知香性天然別著意無聞無意間送關密齋下揚州云一  
路江花送畫橈到來瓜步恰新潮吳娘曲裏瀟瀟雨知在蕪城  
第幾橋

蔡成周

字子有  
諸生

成周暗學能詩尤善懷素書有持縑素來乞者濡墨便書僧房  
郵壁揮灑始徧

王之斌

字粹珊道光進士官知  
府有知退軒詩文集

之斌性篤摯事親孝初官給諫多所彈劾及守歸德值兵燹之際撫煦招徠不遺餘力生平敦古誼重氣節工詩古文詞著述甚富

雙鳳亭云雙鳳夢投懷金玉產茲土不爭兩地名高臺自千古

楊兆昌

字春圃

鹿門懷孟浩然云萬綠繁中着屐來煙霞深處任徘徊半生廣濟思舟楫一代風騷寄酒杯古調獨彈驢背上清芬誰挹鹿門隈多情剩有寒樑樹長向江天雪裏開

金光杰

字殿珊嘉慶進士官御史

子國均

卧園論詩曰仡仡堅城抵長卿一篇跳出衆皆驚佳兒又向花

磚步庶于春華有盛名謂令子可亭侍讀

道出涪川寄懷潘四縣云驛館行厨憶舊懽又從朱曲悲征鞍  
救時相業談何易博物才名稱亦難花種河陽曾滿縣風清涓  
水不生瀾殷勤寄語商邱宰此地今猶頌好官

梅節母哀詞云殉夫易撫孤難血脉惟留一綫單母子二人如  
共命何昔孤竹得團圓盼得兒成大阿孃心力殫撫孤易茹苦  
難荼爲粥兮葦爲殮椎髻鋤禾夏日熱破牕紡績秋風寒兒但  
知嬉戲孃衣淚未乾茹苦易禦變難賊兵咫尺無遮欄孃兒交  
與夫兄手投崖一死命爲拚虎口雖云脫驚魂總未安禦變易  
全貞難沒食含笑騎青鸞良人相見夜臺下二十餘年志節完

墓前女貞木留與後人看

可亭名國均道光進士穎異天生嘗讀其七古長篇筆利如干  
將莫邪鋒芒所到辟易千人洵不易才也以乞養歸遽卒

任

潤 字海淵道光  
舉人官教諭

丁巳春主桂應城適丈司鐸其地忘年論交譚詩講藝甚懽丈  
家貧溺苦於學教授里門四十年晚歲始得一官性和易慈祥  
不茹葷不踐生艸階砌茸茸塞路不旨爲嫌不問家人生產唯  
以著書爲事有論史樂府十二卷古近詩各體皆精子亡孫稚  
遺稿散失僅錄題余八千卷書廬五古云晨興理斷簡感之增  
太息自古百六舊動與瞿賢阮秦皇旣始禍梁元燄不熄汲冢

辨束皙孔壁授安國蟲書鳥篆文綿延古卷帙尤賴嗜古人精  
英收散軼濫川丁中翰勲臣舊燕翼在傳八千卷縹緗堆盈室  
及君生歧嶷肯構足家克識字讀父書等身鍾愛極所恃歐母  
賢食貧志束帛機聲和讀聲畫荻師往則不須折筭笞怡怡養  
目色雖經劫火然竟能天幸得媿我少豫防遠遜君先識前人  
手澤遺燼餘百存一原知天降祥厚薄不一律書亦有前緣擁  
城人和吉況乃青雲士高翔弗可卽白髮落花悲長羨鳥飛疾  
珍重展鴻圖能勿匡廬式

魯士俊

字灼三  
諸生

士俊家無儋石而任俠尙氣有古烈士風道光季年教授鄂城

斯陳子宜程韻笙汪仲閎輩結社聯吟頗極文酒之歡屢躋場  
屋遂得狂易之疾目歿悲哉工制藝能誦古文詞洋洋灑灑千  
言大就洵不易才也予不肖遺稿蕩佚殆盡僅記題余八千卷  
書廬圖七古中權甚有興會酒後式揮而就爲仲閎所亟賞云  
咎率我亦造君廬賭韻飛觴意氣舒滿架琳琅欣觸目游仙真  
箇到華胥驀地軍書星火急報到賊氛臨井邑可憐萬卷付劫  
灰回省詒謀頻掄汰且喜物非人尙是不類焚身因象齒負母  
出走刀戟中善人免劫應如此

劉有勛

字陶章

暮秋巴東感懷云  
楚壘縣千樹寒臙菊式枝秋深巴子國雨灑

清言集卷二  
寇公祠游俠生前傳河梁別後詩家山紫夢裏幾度歸期

劉玉豐

字瑞菴

馬窟山弔歐陽文忠公中二偶尙不落恒徑云空將樽酒酬名宦轉爲朝廷惜此人門下蘇公會入座祠前蕭相亦堪鄰

何定漢

字鼎臣

鼎臣清才絕艷足繼千子加之鍛鍊庶堪頡頏矣秋江夜雨云遠岫頻添秋水白高樓半鎖夜燈紅悼亡云祇有兩情相感際數行冷淚溼孤衾酸心更有將雛鳳待哺摳衣泣枕旁又明月前身恨未休眼看破鏡倍生愁蚤知人豈有殘缺依舊銀河效女牛中秋對月云白雲靜渚月橫天貪看秋光遲在眠千里共

知今夕樂一宵分炤幾人圓晚秋云萬千家住夕陽外四五尺  
添秋水深蓼湖竹枝詞云夜涼如水月明天簾外笙歌送畫船  
唯有相思流不玄化爲幽鳥伴花眠夕陽滿樹水平隄湖上人  
家隔岸低最是依依小楊柳引儂清夢到橋西江城別墅云崔  
招高閣外棣落大江東偶成云撥悶有方頻煮茗消閑無事但  
焚香沙雁云倚欄遙望水之涯無數冥鴻戲落霞爭是思還飛  
倦後少風波處優爲家

劉樹森

字棣田  
諸生

棣田爲余友璞齋孝廉介弟與余交亦至深多才不祿讀遺詩  
不勝聞笛之痛亂後望鸚鵡洲云百戰曾經漢口鹵郎官湖外



艸萋萋江山寥落人煙暝雲水蒼茫陣壘迷鳥下碧蕪秋色暮  
蟬鳴紅樹夕陽低繁華轉瞬成春夢愁聽漁歌唱大堤

劉家柱

字卓然

石城有隱君子劉君卓然家赤貧無太錐地性嗜經史喜臨池  
窮極筆摹二十餘年罔懈不求苟合於世不屈就有司繩墨以  
是貧益甚幾不能糊其口憤然一切罷去專攻力於醫羅百家  
之說冥搜窮索閉門卻掃者又數年一旦出而能起人於沉疴  
聞者始而疑繼而駭終而信道遠大行九疾稱不治爲羣醫東  
手者刀圭下效立見一肯聲名藉甚公卿大夫羔雁爭投而君  
亦積勞不尠矣惜哉君狷介而敦孝及出季弟於危難之中卻

千金於飢寒之際皆余所目擊而歎愧弗如者與交三十餘年  
無閒言道義切劘受益良多語涉非義不敢出有小過必面折  
無隱多聞直諒矣而兼師矣吁中散云亡廣陵弑曲尙可復聞  
耶中季好道參同玄默識解超然偶作小詩大倡康節翁擊壤  
藥中興到之作贈巨川云脩身大命足回天奚必悲傷聽自然  
堂上養親承茶水庭前訓子課書田唐詩與至師元白周易閒  
來體復乾如此逍遙忘世累反躬何處不神仙大風渡江云冷  
眼看人易中流大腳難敢憑忠與信式葉涉波瀾題喜上棣栢  
圖云古幹橫撐耐歲寒鼎羹未餽少人看枝頭有鳥如相識爲  
說春光已露端紀夢云有客蓬山來山境述難盡約我蓬山遊

竟說蓬山近有求仁得仁氣象自是式貫豁然地位

釋無爲

字隱璞

望晴川閣云檻外輕帆逐浪過漢陽樹色幾銷磨平江日落人  
歸岸古寺鐘殘月漾波雨後青燐愁黯黯老來白髮苦蹉跎低  
回往事悲無限戍鼓風鈴聽奈何

湖北詩徵傳略卷十二目錄

孝感

明張瓚

嚴璉

唐烈

夏鼎弟鑑

傅淑訓

張可大子遺

舒顯胤

沈維炳

楊金聲兄金通

劉禧弟祺

劉康

程良籌子正隆  
正興正萃

李其先

夏煒

楊洪才

黃文旦

程怡孔

丁之鴻

張日暹

彭大壽

沈會霖

沈宜子岐昇

釋真詮

國朝

程正揆

嚴正矩

彭焱

高騫

胡江

聶其浩

楊坦

熊賜履弟賜璵

屠應守

涂天相

程正度

程大呂

弟大阜

夏嘉瑞

張文時

屠沂

弟溶

沈開第

沈寬

李嗣泌

夏熙臣

湖北詩徵傳略卷十二

孝感

邑人丁宿章星海輯 子彝校字

明張

瓚字宗器正統進士官鳳陽巡撫有土苴內外集

瓚初守甯波綽有能聲由布政擢都御史巡撫四川征諸蠻有功拜戶部侍郎辭弗就乞養母不允移撫鳳陽卒於官太史廖道南論曰嘗讀國史謂瓚貪功起釁張大鮮實豈其然乎昔李德裕經略維州牛僧孺憐之遂值朋黨而德裕之氣不衰今蜀志紀瓚功不可誣也豈可以寸朽訾連抱哉

巉嶺絕句云巉嶺橫琴列畫屏螺峰時露佛頭青長官相對如賓主翠色頻來治事廳殊清脫可喜

嚴

璉 字別賦諸生有  
考槃集懲羹集

璉性豪宕喜讀書爲文宏肆倚馬立就秋闈罷歸舟次值權使  
者趨之稅問所載物曰一船愁耳曰鋤亦須稅璉走筆示以詩  
云獻璞歸來泛上游忽聞權使阻孤舟囊中惟有悲秋賦聞道  
君王不稅愁權使謝焉與竟陵鍾譚爲石交弟瑋亦擅才名

唐

烈 字仲駿諸生有  
馬山房集滇南集

烈穎悟過人學極贍博工詩古文詞杜門授徒教人先行誼後  
文章弟子多所成就同邑魯鑒故高足也督學雲南迎與俱往  
適黃岡何閔中亦官滇日與酬倡會兵起僑滯貴州旋卒著述  
多散佚惟傳遊圓明寺詩云嵐光盡處宿難通舊是逃禪帝子

宮仄徑尙縈前代蘚高臺猶做大王風琴停流水溪邊白鐘送  
斜陽山外紅入夢一燈青炯炯牟尼珠映月明中

夏

鼎字銘韋萬歷武舉人有山水韻寶山水佩觿韻瑞補等書

弟鼐

鼎高才不第棄諸生掇武科病足杜門讀書喜離騷晚年以沈  
約四聲部勒其書爲楚詞韻寶書成笑曰人謂楚音缺舌今歸  
宮商矣弟鼐字仲龍風規雋整雖爲諸生有盛名富著述蚤卒  
嘗讀書九峻山臨流持釣終日不倦好事者雅愛慕之卽其石  
刻曰夏仲子釣臺寒溪風景不殊高士遺踪今猶彷彿可觀焉

傅淑訓

字敬昧萬歷進士官尙書有白雲山房集

淑訓少穎異負雋才初官知府能潔清自勵舉卓異第一及爲



太僕而應山楊忠烈之獄起坐漣姻家削籍崇禎召補順天府尹一時稱良京兆焉

玉泉山云湖上歸鴉去雁湖中芙蓉朝霞全畫瀟湘一幅楚人錯認還家平甸草鋪似繡高峯石削如門牛羊十里五里雞犬前村後村

明詩綜

了心菴云浮生泡幻亦何憑彈指虛花一盞燈却羨萬重山色裏就中閒殺看雲僧及寒溪曲抱孤城轉仄徑斜通小閣幽晴川閣云濤聲八月蛟龍吼霸氣千秋草樹荒雖入宋格尙清婉可誦

張可大

字觀甫萬歷武進士官都督鎮登萊崇禎壬申吳橋兵變自縊諡壯節

子遺

可大詩不多見明詩綜惟收一律書邊事云無端小草出登壇  
壯士徒歌易水寒枉把全師輕一擲遂令宿將盡三韓腐儒誤  
國由房瑄野老吞聲恨賀蘭豈是彼蒼開殺運祇因人事自摧  
殘繹其詞正爲藩陽之敗而發國步艱難至此已極雖有善者  
亦無如之何矣

遺原名鹿徵字瑤星號濁民府學生承蔭官錦衣衛正千戶有  
古鏡菴詩內外集遺幼窮經史以蔭得官重交游尙氣節黨禍  
獄起護持東林復社諸君子甚力國變入山爲道士奉思宗御  
書松風二字建松風閣常率諸遺老泣拜其中一時顯晦名流  
以不識面者爲恥自號白雲先生終隱棲霞山不出

遺與孔東塘桃花扇傳奇中之錦衣張薇事同而名異何耶他  
傳奇中多更名易姓惟桃花扇爲傳信之書獨不然況東塘於  
瑤星攀附清流處已用加倍寫法方表暴不暇尙何容其隱飾  
耶味其字義當是鼎革後自傷遺逸湯爲更易之耳

瓶隱齋筆記

遺亦作怡甲申陷賊不屈受刑潔身歸宏光立補原官南都事  
變隱居攝山不出自號白雲道者山居抄書頗多著述甚富予  
所見者僅玉光劍氣集謾問正續筆數種而已曩造其山居見  
案頭有手抄宋張炎叔夏詩一卷今其遺書不可復問詩亦流  
傳者寡矣友人移居云居市厭市囂入山苦山僻非山非市間  
卜茲五畝宅到門水一灣眠沙鶴一隻遙望鍾阜巔雲霞幻朝

夕乍見雨脚沈忽焉晴絮襲主人如冥鴻高舉不可弋抑整盪  
心胸花竹恣夷懌何時載酒過爲君理雙屐雜詩云淺水平沙  
路淪漣繞一村夢回天地老亂後友朋存芳草生幽澗新鶯語  
小園看山廣武後久不望中原

靜志居詩話

遺痛定思痛長歌代哭仿少陵作九歌盛傳于時惜篇長不能  
備錄以豪邁奔放之筆寫悽愴酸楚之音商聲變徵風雲異色  
如白頭宮女奏天寶舊曲不獨孤臣遺老聞而心傷也

舒顯胤

字孟錫號鶴臞萬歷舉人  
有汲古齋紅雪軒等集

顯胤性耿介寡交獨與齊年楊大洪友善大洪之死詔獄也顯  
胤哭而殮之初令四川有惠政遷監司罷歸死癸未武昌之難

沈維炳

字斗仲號炎洲萬曆進士官侍郎

維炳居諫垣侃侃敢言多建白孫慎行以紅丸移宮二案追論去輔方從哲面司馬黃克纘謀爲李選侍翻案維炳兩上疏力爭其謀始息諸黨人又借熊廷弼株連楚人維炳再疏切言時魏璫勢熾許顯純狼狽爲奸羅卒徧京師忤意者輒矯駕帖逮之立枷大明門外維炳疏論其法始廢旋以爭魏大忠夏嘉遇事忤魏璫調外楊漣見逮維炳跨一驢送漣愕曰炎洲獨不畏死耶漣死維炳鬻產得數白金以饗其母明年以黨邪害正削籍弟維耀字斗伯以貢生官訓導與維炳各策衛送楊漣於蘆溝以四女字其子而別漣死維耀爲具衣棺覓二騶歸轉人曰

公獨不自愛乎曰我與大洪交數十年重之以婚媾何忍視爲  
行路耶

將任粵東登鳳凰臺云故園重過一登臺風景依稀眼倦開白  
骨戰場堪墮淚黃花時節忍銜杯烽煙蒼莽千山合草木蕭條  
萬里哀瑣尾秋光垂老別幾時庾嶺夢歸來局格老蒼是非於  
此道三折肱者不辦

楊金聲

兄金通

金聲官茶陵諭才名藉藉與兄金通埒

聞張曦石訃迫憶分袂淶口云廿年兄弟髣髴毛催君下晴川猶  
壯哉別路幾回江口醉相思約略布帆開釣天廣樂誰爲夢蝴蝶

蝶莊生不復來欲共故人寒夜語可能冰水倩龍媒楚詩紀所  
登數詩惟此首尙清脫無滯其一往情深尤徵友道之篤

金通字黃理號澗亭萬歷進士官主事初宰丹徒有風力卓異  
入都會黨禍起有謬指爲應山同族者御史潘士聞謂之曰曷  
辨諸笑曰大洪海內名臣得埒爲幸何辨乎洵鐵中錚錚者

劉

禧字以穀天  
啟舉人

弟祺

禧博學強記工詩古文詞嗜棋窮晝夜不輟弟祺病刺胸出血  
和侵飲之楊忠烈誣賍之役禧爲疏募助又爲疏籲于神懷慨  
沈痛讀者流涕譚友夏見而續之義聲振一時工書長駢體文  
擅名於世弟祺字以介少慧能文博學工詩崇禎癸未抗賊白

雲寨授通判旋棄去號半隱

劉

康

字瞿若崇禎舉人有燕歸草峯山集

康貌羸秀若不勝衣而內行甚脩善書畫避亂武昌死癸未獻  
逆之難

廖大隱謂康才力高邁所爲詩古文詞情兼雅怨讀者流連中  
年隱居匡山智林村著有智林稿與邑志所載迥異未知大隱  
何本姑并錄之

爲高處厚畫云吾觀羣象前大地淨如紙爲山爲雲煙氣勢相  
遭爾茲意良不歇靈蠢聽驅使以茲化工心告我黃釜理所以  
一毫端元氣裹於裏有時瞑雙目象披鴻濛始良懷相待發動



關勞五指不敢昧剛柔深光從此起斑斑者寒泉淅淅者秋水  
岸荻與陵柯隨意受生死瑟風掃黃茆蒼涼動萬里肅清筆墨  
功不爲熱情喜逢世道則拙吾以養吾恥氣味深沈談畫理處  
尤中肯綮

程良壽

字持卿號雪窗天啟進士官員外贈太常

子

正隆正萃

正異

良壽父注爲太常卿不埒紹璫御史王士英劾其爲趙南星李  
三才私黨魏奄矯旨並除良壽名未仕除名前此未有也崇禎  
初起官員外李自成犯承天孝感亦陷良壽以白雲山險峻與  
同邑參政夏時亨築壘聚守賊設長圍攻之相持浹旬解去時  
武漢均淪陷四面皆賊獨白雲孤處其間賊頗患之已武昌克

復良籌號召遠近諸寨犄角進兵復孝感雲夢旋薄德安兵敗  
退保白蓮寨內變被執誘降不屈左良玉兵至賊懼擁良籌令  
止兵不從賊走逼偕行又不從殺之

明史

賊圍白雲月餘請救不至云片地持全楚危山扼重兵魂銷烽  
滿壁氣暗夜攻營愁笛看明月悲歌動短檠賀蘭與叔翼誰復  
念孤城凜然忠義之氣溢於字裏行間沈鬱不佻雅近唐人

正隆字石野侍郎正揆兄也行誼高潔鼎革棄諸生放浪詩酒  
與侍郎仕隱分途各行其志感遇云悠悠觀元始來往如推轂  
幸我生無才但坐看逐鹿而豈復有心崎嶇走梁肉茆屋卧雲  
間抱影憐幽獨竹梧不結實天教鳳飢腹願培北海風寧同雞

驚宿讀之可以徵其貞白之操矣

正巽字風樵程氏伯仲如瑯琊羣從人人有集風樵古體冶鑄  
騷辨凌轢李韓當時乃有優孟衣冠之誚而近體尤清麗可誦  
如晚磬數聲驚冷客閒書一卷戀殘燈一榻人眠千日酒半樓  
月照四愁詩五言如夜興云蛩聲生靜夕清響滯匡牀睡足三  
更漏秋聲一夜涼等句安可任其湮沒

正萃字除只詩力沈厚雖擬古歌行未泯摹仿之迹近體深穩  
婉麗如秋興云欲窮蕭瑟理豈必樹間聲枕菊香欺榻煎橙綠  
蒲錦偶來乘逸興浪得愛山名一夜聞蕉雨溪泉不覺平休夏  
雲居寺張沐九校詩見詵依韻奉酬云孤雲出岫意何居谷口

遙傳載酒驢寺廢纔成三徑路人來先快半行書高林鶯語鐘  
聲上寒澗花妍落照初已遣山林供妙思不教囊錦笑空疎與  
王璞菴劉石帆夜話兼示別懷云三載風塵笑曳裾秋燈濁酒  
夜窗虛金臺擊筑人垂老碣石談兵興已疎爭誦鬱輪摩詰曲  
還留藜火更生書不堪久作春明夢仍是青山舊接輿皆宋人  
中之傑出者

李其先

號錦庵崇  
禎舉人

其先素以制藝名不輕作詩一日同人集噍分題詠史而不及  
其先請賦得樊於期有云入門挾何以有客奉吾頭自是人競  
與談詩詩輒有警句如無書上相國有句哭英雄頗在人口

夏

煒

字振叔崇  
禎舉人

煒在明季負盛名蒐訪全稿卒不可得惟楚風補錄其十餘首  
古體長篇氣味深厚近體五律最長秋興云山川烽燧外歲月  
夢魂中苔色侵碑綠蓼花入照紅壤簷吞落日大谷倒晴空莫  
放壺觴涸中原仗數公夜泣誰家月人看何處濤至今秦帝火  
不斷楚臣騷飢懶眠空澤老漁伺暮舫阮懷殊未達灑淚向窮  
臯西湖竹枝詞云四面空波捲笑聲湖容今日最分明舟人莫  
定遊何處只向鴛鴦睡處行行觴次第到湖灣不許鶯花半刻  
閒眼看誰家金絡馬日默春色向孤山尙逋峭不落恒蹊

楊洪才

字拙生諸生有弋  
獲錄正史法誠

洪才穎異工詩尤溺苦於宋五子之學立貞通學社與彭魯岡  
程錞齋丁漸齋輩朝夕講論不輟

黃文旦

字敬淦號虛雪崇  
禎舉人有老峯集

文旦十歲能文讀書慷慨有大志傷時之難鬱鬱不自得甲申  
乙酉間作測時論十篇薙慮二十四篇危言讜論論者比之賈  
長沙陳同甫順治戊子從豫章收遺書萬卷歸不復有仕進意

壬辰大旱挑野菜和羹炊之又或啖麥飯剝剝有聲意甚欣然  
適也弟文星字子威與旦齊名嘗築怡園讀書其中積學砥行  
兄弟自相師友

程怡孔

字孟頤  
號鐸庵

怡孔少負大志負笈訪道於麻城劉拙齋黃陂鄧葆之黃守拙  
三先生所聞良知之學歸而倡道郡邑與丁之鴻諸子爲貞通  
學社其學屢變而益醇晚乃大悟故其絕筆語云入孝出弟謹  
言慎行擇交改過此學譜也常置身於堯舜周孔之堂引已於  
江漢秋陽之內則自愛其身自敬其身功不容已機不容息此  
學訣也其宗旨簡易如此

丁之鴻

字漸齋號素石崇禎舉人  
有漸齋遺書易經象義

先八世祖鄉賢公喜急難拯困誘掖後學其學以明道象山爲  
宗躬行實踐不以時運爲解嘗曰世不可爲唐虞必人不可爲  
堯舜識者以爲名言與章煥然左熙光彭大壽程怡孔諸子爲  
貞通學社

鄉賢公著作甚富燹於兵者半經陽侯之虐所存者僅矣惟散  
體文數篇見於家乘中而已句如江亭浩渺空青接詩壘摩挲  
大白浮吳會音書隨去鴈楚江煙雨滯歸舟四壁名花留客徑  
一枝仙桂讀書堂燕臺舊夢秋風冷鷗侶新盟春水長又老桂  
山中發古香虛亭面面攬秋光一枝折憶神仙客半畝陰分刺



史堂枕倚江聲流夢遠窗延月色引杯長題詩寄語後來者此  
是前朝召伯棠得於蠹蝕之餘而皆失題吉光片羽敬埒於此  
未敢妄贊一辭以待當世之知詩者

雲孫宿章謹注

張日暹

字方侯

郊遊云一葉具秋聲颯颯空庭下山行鳥就人低飛啄簷瓦荒  
白三五村古道無車馬徐仲韋謂此詩純乎天籟又似古歌行

彭大壽

字松友號魯岡諸生

大壽先世江西撫州再遷至孝感順治初避地雲夢之金蓮陂  
自號蓮陂居士力學精進闇然真修著易詩春秋三經合解魯  
岡通禮兩官錄賢相集高尙集孝義錄杜詩益古文益何李詩

集魯岡藏稿自娛草實學八要三十箴共一百三十四卷又有  
魯岡或問二十四卷精理名言有功實學道光初年程廉使懷  
璟始爲之刊行

大壽詩無講學家陳腐氣筆尤老勁歲暮感懷云滿目凋殘且  
自娛興懷往事漫長吁求糧困指三千斛遺表桑存八百株赤  
壁煙銷銅雀冷錦江星落碧雞孤成功自古非容易缺陷人間  
那得無貧歌云冬無屋雪壓頭昔年築地結高樓冬無絮風吹  
心昔年厭滯嘗製新浙有米釜有肉剝瓜烹韭心不足全無半  
菽有酒有酒出門望人人門歡笑生曾幾何時夜夜聞哭聲

沈會霖

字時浦號茶庵崇  
禎孝廉官推官

會霖以過土木七省得名句云土木蕭蕭忍再過孟婆風訖定  
如何素心好友佳懷少白首先民往說多三月車塵收紫塞五  
更鄉夢暗黃河文姬空有思歸怨何處南州可浩歌情深弔古  
慷慨悲歌古調哀吟真有不堪卒讀者也

沈宜

字大悟維烟子貢生官推官有北轅閒吟風楸偶嘯青雲堂稅古堂卧紫山房等集

子岐昇

宜性嗜學博通載籍自經史旁及內典叩之娓娓不窮工詩善

古文

子岐昇青雲堂詩序略曰先君子詩潛江劉阮仙世丈爲一刻  
於燕臺恒文宗叔爲再刻於白下是友朋之誼重而我子若孫  
之世守反輕也祖氏旧廬止供飲博先人筆墨酷等焚坑岐昇

勉錄副本意圖漸次成集今且先出一幀自顧家貧歲儉萬難  
似當年梨棗之雄庶幾零主殘膏稍以慰先人作述之意耳興  
言及此腸寸寸斷矣嗟我先子著作富等身之書已爲見仇者  
快意而去收積得九邱之秘又爲大力者負笈而趨一生心血  
總屬徒勞畢世辛勤盡歸烏有何過人之不淑也嗚呼痛哉  
天悟先生躬際陽九養晦澗邁與先八世祖鄉賢公結貞通學  
社道義切厠交誼至深互見於兩家文集中非誣也余獲交先  
生裔孫棠谿孝廉聯通家之好甚摯棠谿工古文有血性篤行  
好學君子也

讀令子岐昇青雲堂詩集序知先生著作甚富爲仇家所奪所

存僅百一二云先生蒿目滄桑生逢憂亂禾黍故國多難言之  
隱託興於秋以發之哀吟苦調千古同傷錄秋興三首云落日  
元猿淚萬重亂雲狼藉勢沈峰安排萍梗無中策領略林泉羨  
老農楚岫嚴霜凋綠萼秋江零雨怨芙蓉不知世事更移後大  
悟山頭剩幾松八月長風吼碧霄紫雲蒼耳畏途遙海空精衛  
千秋石山捲天吳一夜潮唐代衣冠白馬渡宋家社稷杜鵑橋  
甘陵弟子年時夢旗鼓於今未寂寥白骨秋郊劫火零鬼車啞  
啞泣冬青雲松古榻前朝寺風竹空廊半夜亭三晉河山低晚  
照兩年朋舊散晨星方平枉自談千古定鼎門西戰血腥  
洪伯駒容齋隨筆謂六言詩最難工而先生此體尤爲擅長雜

詠云彭澤柴門五柳南陽茅舍一椽指下數絃流水杖頭幾箇  
青錢讀書不求聞達遺懷獨坐莓苔但願門無俗駕小園日有  
花開小像自贊云誓墓已同逸少題橋笑煞相如此子宜置邱  
壑乃公安事詩書處世愛憎者半爲人可否之間老至貪嶼漸  
少生成拙直難刪皆清絕可人七絕寄夏振叔白雲山居云浮  
煙出岫任風郵坐失白雲碧嶺秋夜半清猿千里日夢騎黃鶴  
到高樓格高調響力爭上游

岐昇字石城能讀父書工詩古文詞著補山園集沈氏三世有  
集亦盛事也

石城詩學放翁得其神韻送友下第云儒術真成誤雄心難卽

海山詩集卷三  
三  
灰那愁貧更甚轉畏老將來漫興云爲延好月纔刪竹愛捲晴  
濤自種松濁酒客邀僧舍月好風人散渡頭船皆佳句也

五律通體精湛者示諸兒云不獨多風雨危巢有伯勞長貧羞  
計拙衆忌矚門高步武推龍種文章識鳳毛先君遺恨在珍重  
付兒曹雨後園居云慣貧支道力無競亦無猜好夢醒還續鳴  
禽去復來晴煙囚老樹怒筍破莓苔曲徑香生細林花著意開  
是能善師劍南者

釋真詮 字微密

真詮詩不多作有砧杵敲風連野動秋林脫葉正寒飛句頗傳  
於時

國朝

程正揆

字端伯號青溪良箒子崇禎進士官庶常國朝起爲光祿卿累官至工部侍郎有青溪遺稿讀書偶然錄等集

正揆少從董其昌游故工於畫集中亦多題畫論畫之作王士禎序稱其江山卧遊圖散在人間者有數百本土禎亦藏其二又有題正揆畫詩蓋當時亦重其筆墨也其詩文則不出其鄉公安竟陵之習其浮記一篇殆類小說奇夢記一卷益荒誕矣  
四庫全書提要

公文章勛業皆有不可泯滅之處詩畫其餘事也擬古歌行明健激昂有建安七子之風近體格高調響其邃遠清妙處直入唐人之室在國初實我楚一大家也中秋雨云客有悲秋意無錢上酒樓煙花六代盡風雨一天愁淚溼海棠瘦懷紫竹葉



警書簾搖夜幌多分負銀鉤贈百史云平生一腔血曠世幾知  
音向子欲傾蓋何時始共斟情因疎拙減恩以亂離深揮手盟  
心去江濤自古今楊又人使安南復命過江甯賦贈云使臣還  
詔日南歸虎賁龍船燕子磯辭命四方原有體天言一字不曾  
違職方干羽圖王會屬國昆蟲識漢威賜勞大官分玉食宴歌  
寧有賦無衣王雉公遇諸河貽我以鱸酒約同西江之行云使  
君竟欲薄淮陽抗疏文章可續匡歸去買舟惟載鶴再來岐路  
豈悲羊屈平芳草騷堪讀張翰秋風鱸已嘗明月許同江上好  
此行端不負滕王遊棲霞寺云君羨天台路渺茫遊山無計請  
山強何曾隱得仙人住祇誤劉郎與阮郎寒梅圖云寒林落日

亂鳴鴉幾樹清香淡影斜莫向孤山尋舊夢全身今已是梅花  
雜詠云大笑千山俱振揮毫五嶽能搖僻境更無塵到酒家時  
有旗招世外白雲雞犬人間綠野桑麻消得洞天七日奚勞惠  
子五車又山行紀事云懶人足睡兩三覺秋水強添八九灣往  
借鄰家新草笠閒來雨後看青山

公精六法題畫詩幾百餘首蓋晚年邃於禪悅有所得藉畫理  
發之故皴皴然如食橄欖題畫贈石溪和尚云捲席洞庭去長  
風一葉歸禪心定落木吟思動殘暉故國人還老荒城鬼亦稀  
德山托鉢處今昔是耶非題畫云山古萬籟空流泉自浩浩一  
聽一回新可與知者道山靜似太古日長如小年可與閒人道

勿爲達者傳生平不負人獨有煙霞債無處買青山只寫青山  
賣秋樹婆娑影自移飯蔬飲水曲肱時何分天地何分我不盡  
煙波不盡詩最高峰處是吾廬枯樹清泉煮白魚世代不知今  
有漢向人猶問未焚書淡山如客樹如禪意到無聲各杳然落  
筆不知誰是詣和身都入水晶天天外奇峰筆外神細翻五岳  
入微塵眼前不盡春風意別有鉞鋒對古人不斷青山夢朝朝  
過碧谿觸來皆畫意到處覓詩題雨霽一林澹雲橫萬木齊草  
堂深隱處只在板橋西

五言佳句如自同牛馬走長與蠹魚鄰入世迂爲祟謀生懶是  
貧賸以讀書聖禪爲忍辱師閒憑詩債少愁仗酒兵

九峰堪

作老一谷可名愚義皇爲舊主屈宋作衙官焚書平筆冢坑字  
逐詩魔降心惟拜石解語只宜花墨莊無瘡戶酒國有勤王天  
地買新宅溫柔老故鄉無腰能作吏有骨不須侯我甯行我法  
人豈受人憐到家仍是客逢醉便爲鄉身爲方外史客盡醉鄉  
侯風與月爲主人惟天是徒呈座師云世間知己少林下一人  
多藏史簪爲筆傳經舌可耕五千今老子七十北門生咏螢云  
幸有餘光借翻宜白眼看應憐秋色好故向主人飛意如爭日  
月態不入炎涼先生同水鏡古佛一燃燈剖心惟有赤炙手不  
成炎客興三秋老浮生一夜看送弟之廣文任云半江南國夢  
一夜北風寒無雙天下士五百一人師自壽云久客忘時節餘

生長網羅送客笑山鬼留詩敵睡魔江行云殘碑撐赤壁柔櫓  
過黃州雨細半江靜雲盤萬木收老人談舊事故鬼哭新城卿  
卿誰復我好好一先生杯中惟此物山外更無人水漲舟橫渡  
雨來雲滿簑有客問奇字無人記放言道心存遠古世狀點雲  
浮歲時原有記人日可無詩題畫云禪心定流水吟思動殘暉  
平生一幅畫天地幾何時瀑飛千尺雪風散一山香泉聲通世  
外春色落尊前鴈寄將來信山留不了青和人自壽云文章三  
變局天地一殘燈劍冷星雙髻秋高酒一酣肝腸存世道山水  
獨予私答禪客云世上豈無事林間賴有人移居云疎林助明  
月響谷達秋聲醉鄉酣竹葉夢境熟梅花笑看遼海鶴愛食武

昌魚七言如睡鄉老友菴爲蝶酒國諸侯食不齧嵇氏絕交甯  
止七坡公邀月且來三香住碧雲詩客料山披紅葉老僧家贈  
某相公云天上有君扶日月人間捨我孰漁樵霽色曉開十里  
霧秋聲夜入幾人家心同赤子眼還白少似愚公老更頑靜坐  
一百四十歲醉歌三萬六千觴風月一錢無買處山川幾輩肯  
來閑贈某太守云三十六峰山作主二千石秩吏爲仙自許清  
流惟我輩但留白髮向人看題畫云不知文字棄如屣猶有閒  
人讀古書一聲長嘯山花落笑指乾坤吾草廬又絕句云六朝  
佳麗歇春風松石寒雲夕雨中知己寥寥圖畫裡合宜此地著  
詩翁有客訪我山之巔風雲指顧思茫然請上迴廊看煙樹許

多慚愧對青天曉嵐宗伯稱其詩有囿於鄉人之憚如此等句  
法置之瀟碧堂集中夫豈多讓使孝感得與公安並立兩間雖  
不免為人訾議未非鄉里之大幸也公如有知必翹吾言 瓶隱  
齋筆記

嚴正矩

字絜庵號方公崇禎進士  
國朝官侍郎有含暉堂集

侍郎生麻滄桑入 盛朝雖名位日崇究不無故宮禾黍之感

含暉堂集中多抑鬱哀楚之音茲摘其用意綿邈淡遠者節錄

之如前峰望不見零落欲何歸 孤雲 依風體漸弱到地意先闌

差可綴梅色用常曉露看 微雪 飄落紅茵亂花深屐齒泥 夏初起句

高見喬松色遠聞孤鶴聲 月夜 楊柳穿雲濕芙蓉滴雨嬌 夜坐聽雨

古臺高見月喬木淡生煙游魚隨意樂浴鳥自相喧臨流哀網

罟望野羨桑麻山薇連野徑岍柳接河橋野花隨地發春水逐

門生涉園雜詠又扁舟常繫門竟日有鷗來皆可入畫圖入望多殊

色徐觀無定容望廬山不敢嗟禾黍徒然憶杜蘅畏續七哀詠閒

吟五憶歌長安雜詩水泉終日碧石蘚自生春萍雨魚爭食松風鶴

共吟樓臺如有待風月欲留人過友人山園弓彎漢水月旗卷峴山

雲贈胡中丞官況殊堪笑羈情祇自憐寄弟旅夢懸姜被孤懷念汝

寒又起鳴鶯懷舊侶飛燕引新雛疎星臨戶牖殢月下闌干暑夜

月照關山澹雲移河漢低七夕奉使星隨棹傳經雪點爐呈芝麓師

一棹憑江海寸心橫古今雲浮島嶼遠日落海天孤登城樓溪響



泉聲千萬壑松圍茆屋兩三間碧通天柱星辰近光映江濤日

月明

望玉  
飯峯

楓江有月來孤照桂海無波送遠煙蟬隱高枝鳴有

意鴈啣木葉去何思

秋懷

匡時汲黯饒封事去國虞卿祇著書

杖策崎嶇凌華嶽刺船風雨渡河汾興亡幾閱堂前燕聚散驚

如雪上鴻

歸興

皆空絕依傍深得唐賢三昧者

方公詩原自騷選才力深厚規模宏遠近體清麗雅健多可傳  
之作送風樵歸楚云南州三月楊詩酒日相從玉倚堦前樹青  
來江上峰有臺聞喚鶴何處響疎鐘別後餘函席花茵定幾重  
過韓信嶺云惱恨舍人語英雄萬古冤不忘漂母德豈負漢王  
恩百戰同波逝孤墳倚石根年年芳草綠空復憶王孫

彭

焱

字然石自號圓觀子明貢  
生國朝官黃安訓導

焱髫齡補弟子員好讀書淹通經史工書能詩高學使彙旃創  
濂溪書院聘主講席明季流離兵戈辟地湘黔妻胡遇賊不屈  
與子女並受害同懷兄森字若木以諸生殉武昌之難官黃安  
值大旱焱力請賑濟并鬻產以助黃人德之一日與某廣文渡  
江舟覆操舟者皆溺次日舟挂洲渚間或曳之起有手攀舟側  
而立者則兩廣文也

警句如幽居云雲以石爲室花將月作衣月憐幽幌分餘照鼠  
欣空厨走隔鄰輞川是境皆堪畫退谷有人多是愚丙丁以後  
成行脚茗雪之間憶釣蓑伍自後先羞絳灌兒從大小喚融修

總昰晨星留我輩又從秋水賦伊人呼吸有聲通碧落乾坤何  
地設青氈獨往云三晉雲山歸五柳一春花鳥付雙柑送人入  
山云樵漁入課都成史出處非人獨用天分菊云爲爾擇交霜  
與月因之命諡隱兼幽出門云聞夜半聲雞不惡談當時務蝨  
先捫晚渡武昌云幾點亂雅神禹廟半山殘雪漢陽城

焱入 國朝辟地雲夢一日攜家遠去莫知所終有詩百餘首  
登黃鶴樓云誰知地老天荒後猶得重登黃鶴樓浮世已隨塵  
劫換空江仍入大荒流楚王宮殿銅駝卧唐代仙人鐵笛秋極  
目蒼茫渺何處一瓢高挂亂雲頭而沈歸愚先生選入別裁謂  
爲太倉僧戒顯作而戒顯去焱爲後或焱遠走吳閭易姓名而

遜迹空門未可知也尙有樂府君馬黃一首胸次手筆與律句  
相類定爲一手所出當非一一鶴聲飛上天比也

雲夢志餘

詩集奇氣古劍一首讀竟覺寒芒射人句云鵲鵲膏白鵲尾清  
光凝凝一溝水良工未有兒女情冶鑄全茲英雄理光芒不屑  
剗蛟螭願擊小人衛君子今我持爾久無功不用還與沈埋同  
白酒澆入古血腥對爾慘淡臨西風

語關至性木石點頭哭兄詩四首字字從心血流出千載如聞  
痛哭之聲其調高句響猶爲餘事句云歎無身可贖恨不我相  
隨死去魂何地天平罪是誰若敖甯不祀伯道遂無兒風雨雞  
鳴後哀吟合見知可死可無死憑生何太寬聰明招帝忌歲月

到君難浪灑家人淚甯關骨相寒再來兄記取端乞少癡頑癸  
未武昌事祇今尙愴情通侯邀世券開府擁專征將去兵逃難  
官空民守城國恩十萬日殉難是諸生實學今兼古多聞史與  
經數千年在目十四五知名姜被何曾暖芸窗每徹明魂兮歸  
故宇猶得聽書聲若木先生以諸生而死武昌之難奇人奇事  
固應有此奇句寄家仲云牂牁江上羽書催裹血將軍夜半回  
異國驚魂豺虎路天涯灑淚弟兄杯那堪生死十年事都付關  
河一使來壯志消磨雙鬢短幾回殘夢楚天隈此章音節清蒼  
工力悉敵漁洋卧子未足多讓

高 騫

字處厚明經黃  
鶴九老之一

籌詩文雅健工書畫寸縑尺素人咸珍之詩樸茂如其人五言  
雅近自然如除日從三弟園移梅云及茲遷汝去已是負初心  
微雨上高格危枝動夕陰紫荊不礙冷桐橘自爲深眼看春風  
近吹成花滿林還村云幾日去村巷田園喜旣霑棗花香過牖  
橘影綠齊檐遠望山雲發近看野水添農人商歲事璫璫未爲  
嫌

胡江

字山公崇禎進士官給事中  
國朝起授揚州兵備道

山公在勝國已負重望才瞻學博千言立就詩自抒性靈無所  
依附惟局格稍卑未能卓立成家亦一恨也句如薜衣晚帶千  
山雨蘭若晴堆一塢雲絕交喜得君同廣欲殺何須我見憐買

得青山貧到骨賒纔白墮醪還貪皆清麗可誦

聶其浩

字知易

秋日遊白雲山云羣峰雲靄靄萬壑樹蒼蒼路近寒山寺人遊古戰場英雄無限恨草木有餘香惆悵當年事林霏澹夕陽峻絕嵯峨地猶傳古寨名白雲依舊壘黃葉繞孤城草變寒山色蟲吟石畔聲斜陽歸路晚回首暮煙橫通體清脆求之中唐諸賢亦未易易其詩力頗見深厚他作必多可採惜僅見此二律名作湮沒知不少矣

楊

坦

字幾思號素書

坦幼從族兄大悟攻舉子業長聞良知之學乃棄不復事徧游

吳越燕趙至永豐見梁夫山遂北面稱弟子講誦不輟及夫山  
誣死楚城坦犯難白冤卒葬孝邑時人義之按夫山名汝元嘉  
隆間游楚講學門下多魁傑不羈之士與黃安耿定向善游京  
師主耿家適張居正過定向所汝元走辟居正疑問索見汝元  
卒不出定向問故汝元曰此人能操天下大柄吾甚畏之定向  
不謂然汝元曰分宜欲滅道學而不能華亭徐階欲興道學而不  
能能興滅者此人也子弟識之此人終當殺我久之居正果當  
國會光妖案起與吉水羅巽皆坐妖黨論死葬宏樂鄉  
汝元游楚更姓名爲心隱

同時有顏山農者亦楚人心隱嘗師事之皆以狠幻爲時所損



朝野異聞

熊賜履

字敬修號青嶽順治進士官大學士諡文端有經義齋澡修堂等集

从弟賜璵

賜履八歲時父死於盜母李苦節嚴課讀嘗置書案於紡績所以荆條隨伺懈卽跪而擊之述父蒙難慘毒狀母子淚瑩瑩甫冠卽貢成均

先生官翰林時會上萬言疏極陳時政得失道人所不敢道力竭志殫雖一身犯同人之忌而益荷天子之知日侍經筵不數年猝登揆席未朞引退僑寓金陵閉戶著書以道統自任翠華南巡御書經義齋額賜之因以名集

公勲業彪炳經術湛深本內聖外王之學爲一代名臣著述宏

富詩古歌行詞旨渾雅昔洪容齋謂武元衡令狐楚皆以將相之重聲蓋一時其詩宏毅潤遠與灞橋驢子所得者不同讀公詩益信其言之非夸也

素園過訪留飲云三春過已半此日覺風和歷亂山花發啁啾野鳥歌流雲歸曲岫霽月漾清波爲問江南客尋芳事若何雨夜懷人云寒宵苦獨酌憶汝復誰親爲念詩情冷應知道味真殘煙籠野色細雨暗江春何日過桑牖花間共飲醕飲茶村精舍云春陰吹不散此日恰新晴劇飲予非醉狂歌子獨清消祛塵俗慮想見古人情飽德甯虛語如蘭句已成贈李仁熟云庸德惟明理真修貴獨知但能持志永不厭讀書遲庭草多生趣

山花亦解頤濂溪風韻在歸去有餘師景公祠云眦裂白虹暗  
舌焦赤日沈我讀英士傳如見比干心廟貌埋霜草衣冠葬石  
岑淒風何凜烈一望一霑襟秋日送友云送秋秋似客送客客  
如秋客去秋隨去秋愁客亦愁與君同作客君去我淹留去去  
君先我思君我上樓

賜璵字宗玉官國子監司業與從兄賜履鄉會聯鑣同入詞館  
海內有郊祁之目

屠應守

字蓼齋一字軌大順治舉人官  
知縣有巖山樵陰草式穀堂稿

應守雅擅材名世所傳鳥擇樹中樹雲流山外山一聯雖膾炙  
人口終覺有所蹈襲其它句如午睡微嫌暑近酷夜涼敢道月

無功題蕉經露濡新墨理釣尋溪失舊灘詞意尙較深穩

涂天相

字變庵號存齋一號迂叟康熙進士官至工部尙書有靜用堂全集存齋詩話

天相家世力田贈公有隱德生而岐嶷凝重寡言笑溺苦於學日誦五子之書跬步必以禮以躬行實踐爲入德之門所著論皆粹然儒者之言書無所不窺於詩獨嗜朱子謂得風雅之正亦性之所近然也中年成進士通籍華廡而不易其素葢中所主故能窮通一致云

公於詩理研究極深因摘存齋詩話中涉於公詩者節錄之以爲現身說法云 唐人句云貧賤受恩多宋人句云貧多負恩人好事者集其句而爲之說曰貧賤有恩可受猶是貧賤僥倖

之事以貧故而負恩又是貧中隱忍之情余謂貧賤有恩可受  
固是僥倖之事然與人者常驕人受人者常畏人僥倖之中正  
多不幸之處以貧故而負恩固是隱忍之情然敗名裂節以爲  
酬恩之地其爲隱忍者更多恐又非知己之所貴也余因爲前  
句下轉語云甯甘貧與賤莫作負恩人又爲後句下轉語云丈  
夫豈負恩君子常懷德 年十五時先伯祖蔚美公知余學詩  
命賦天應曰太虛其氣一大其形聖曰知我勿索冥冥伯祖甚  
擊賞之是夜露坐小園有柳樹甚盛新月初上先君以月上柳  
梢命作七絕余口占云柳染宮袍知己就月來蟾窟尙嫌遲清  
光何惜全身照愛是凌霄第一枝蓋寒家自先伯祖什公先生

歿後書香中絕當時蓋微窺先君暨美公意深冀余早獲一第  
以光門閥耳 同年王樓村擅詩名同人多以詩相質余亦嘗  
錄一冊屬定王每於涉理處則斥爲迂腐余詰曰詩以何爲祖  
王云三百篇余曰詩以三百篇爲祖如中庸末章所引上天之  
載無聲無臭及孟子所引天生蒸民有物有則等句何如王無  
以應 樓村嘗作詠茵登走馬燈詩意蓋有所諷也余和茵聯  
云方辭腐肉充清品旋藉腥膻入大烹和走馬燈聯云粗成覲  
面殊無有得借炎威使不閒王大擊賞以謂正使他人極力摹  
寫傳神逼肖終須詞費未若斯之言簡而意盡也 魏三石拏  
吾溪詩人也與余倡和最夥曾以短句寄題其別業云溪東一

草廬絕勝輞川居日午花陰密風斜竹影疎荷香晚度後蕉葉  
獨唸餘雨過勤培菊秋涼應待余越三十年余以外艱歸於魏  
壁間猶見之雖蠹蝕大半而墨跡宛然 甲子客江城友人索  
詩余答斷句云愁醉晴川夢未醒漁歌樵唱不堪聽囊中收得  
漢陽樹爲報今年色更青越癸未亦三十年矣一友館內閣侍  
讀某公家偶誦余此詩於其主人而遺前二句主人翌日單騎  
來訪道其意出箋索書全詩而去 存齋詩話

斷句如亂經天寶詩人瘦遯自元熙處士肥悔生凉水驚澆脊  
靜引和風暗拂襟直撐孤艇親探海莫似貧兒夢掘金我皆固  
有弗思耳人豈不勝爲患哉堅苦未能到頭地光明那復見心

天曲肱尙作周公夢化蝶憑貪莊子眠以風雅詮名理與程子  
水心雲影邵子月到天心皆淵然見道之言

公論學詩於騷選外別闢一徑字字皆明體達用躬行實踐之  
言不得以老生常談目之微學云一輪月照萬川明真切功夫  
在力行前哲有誰非實踐此中甯可着虛名嚴霜赤日須經過  
烈火紅爐始鍊成地老天荒何物在消磨不盡是吾誠雜詩云  
孔栖道莫容孟濡義未絕那許熱中人紛紛滕口說蹶蹄多駭  
足覆舟是飽颿盈滿造物忌從容得餘閒誰鋤當門芽要是自  
取辱誠爲王者香何妨老空谷秋月澄近浦春風散遠林一點  
真趣味還堪證道心晝思夜乃夢因想自有由真不愧衾影魂



夢亦清修惜陰論分寸豈徒勞口耳大道有根源請自孝弟始  
文過是柔奸遂過是剛惡補過乃无咎忘憂斯至樂人欺輒生  
怒自欺便自恕纔說毋自欺便是欺人處

程正度

字裴文

望白兆山云西郭晴郊外春風古渡頭平沙低落日曲水抱孤  
舟雲擁碧霞寺煙寒太白樓桃花迷去路咄咄對滄洲

程大呂

字文載號天台康熙進士

弟大臯

大呂於書無所不窺爲文援筆立就捷南宮歸益鍵戶讀書上  
下古今手披口吟一如諸生時漢陽王猷方主盟騷壇雅推服  
之戊午薦宏博方待試都門卒

桃花巖云巖靜萬山古桃花春水生捫蘿坐清淺慚愧濯吾纓  
大臯字鶴林號韓洲貢生亦有詩名

夏嘉瑞

字人淑諸生  
有松雲詩草

嘉瑞詩文與衍雄深陳溧陽名夏序其集曰太白仙才少陵人  
才長吉鬼才人淑殆兼之彭禹峰學使梓而傳之弟章瑞才與  
之埒惜蚤卒

五言極清婉可誦如山懷云采采春田樂野步獵芳芷攀衣不  
佩香坐俟微風起寒絲挂遠峰鴈啼聲在水我行厭清越日夕  
南山紫歸憶所懷人道阻人非邇躊躇室南偏曉帳夢之子  
近體似從宋人入手新傳藏酒法熟讀養生篇類陸放翁又登

黃鶴樓句云白沙窟宅神鼇守赤幟風騷我輩支意極宏濶惜  
通首不稱

張文峙

字紫浣

文峙身逢憂亂故多酸楚之音而筆致清婉尙無郊島寒澁之  
氣兵燹後三遷始得賃春於宋其武之鷗天館今又風雨飄搖  
不可掩也爰賦無枝可棲篇云吾巢方屢奪賦命不如鳩天下  
無芳草黃河有濁流出疆難載贄敵國實同舟安得劉南坦飛  
神贈一樓莫認籬廬是號吡火一區黃金卽天命赤地總危途  
肆泛如桃梗中乾類瓠壺低低彼有屋余意獨瞻烏正得兼旬  
食仍煩數米炊愛錢方命俠擇木苦無枝直鈇驚河伯無絃答

子期榛苓閒詠去何日不西悲保蟲三百六宛轉共其間豺虎  
蹲南郭鴟鶚叫北山離騷如可注爾雅不須刪物理真難測神  
人冀可攀

屠

沂

字艾山康熙進士官沂江巡撫有雙峯詩集

弟溶

述懷云金風蕭瑟五湖秋好趁煙波把釣舟正憶往時司馬渴  
至今還抱杞人憂寸心漫許中流柱一木甯支鎮海樓南浦歸  
來萬里鴈飛飛長寫一天愁在集中最爲傑出

落字潤九康熙進士官知縣宰古田值八閩之變嬰守無援城  
陷被執以風疾免賊平削籍著苦節錄生訃文以明志

苦節錄無傳僅記二絕云當年入海問三山丹鼎原思指顧間

三  
一  
賺得武皇心力盡安期到底不曾還風蕭蕭兮劍光寒萬里孤  
城三月官竊笑世人談地獄我曾一一試艱難節雖苦其如鑄  
錯不成何甚矣死生之際不可不慎也

沈開第

字郁堂

沈氏多好學敦行之士開第負才不仕隱居窮谷人罕見其面  
詩品高潔如其人題從孫半橋居云山外青山處士廬板橋去  
後半橋居從無人跡聞來往獨絕孤懷自釣漁

沈寬

字興門貢生官知縣

寬品潔才高不諧於俗山居云雲飛巖接翠連天結個茆庵不  
費錢流水直通茶爐下梅花開向卧床前肥遯居貞之誼卽此

可概見矣

李嗣泌

字仲鄴康熙  
舉人官訓導

嗣泌詩工近體典雅固其能事魚峰山中數偶云花點苔衣薄  
絲牽荔帶長亭高雲臥穩峰陰鳥歸忙虹映澄潭月鵲橫銀漢  
霜松杉和露冷荇藻引泉香不雨山仍潤無風地亦涼氣機尙  
覺流暢

夏熙臣

字無易貢生官教授有瓠尊山  
人詩集慕嚴詩畧紫玉簫樂府

熙臣少孤七歲能文有神童之稱長益嗜學嘗遊白雲山遇雨  
寓舍無書僅字彙一帙取閱之終身不問難字爲文從不起草  
尤耽詩嘗與人限百韻咄嗟立就

熙臣爲參政時亨當世所稱湏水先生之孫少工文竟不第以  
明經仕爲施州衛學官非所好也旋呈吏落職遂徧遊湖海而  
肆力於詩如空梁來舊燕疎壁聽寒蛩詩從聽雨得人爲著書  
忙細柳風前綠春山雨後青宦情因直少豪氣得秋多與天分  
爽氣同月作閒人詩到秋來瘦貧因病裡真涉世初聞道空山  
自讀書自然成小草何必怨秋風隨意功名存故我稱心風月  
付閒人野岸花開逢舊客前村風細濕寒砧到處卧游勞筆墨  
平生供養足煙雲松徑幽花頻入夢篷窗夜雨好裁詩瑜亮當  
年真勁敵融膺屢世舊通家人從感慨心如醉話到蒼涼筆欲  
花皆能自攄胸臆絕空依附卓然成一家言

熙臣七歲補諸生才情富贍往往疊韻至五六又和阮籍詠懷  
擬李東陽樂府始遍連篇累幅瑕瑜不免互見所謂武庫之兵  
利鈍交陳者矣

四庫全書提要

無易詩澹雅閒靜不追逐世好以雕績纂組爲工而其逸情遠  
越橫流溢出如餘霞在天緒風薄岸一葦容與綠水澹澹棹歌  
發而山瀑應也擬西涯樂府頡頏上下如雙鵠摩空他詩亦稱  
是無易爲青溪司空快婿詩文學植源流指授固非世之白  
腹野戰哆哆性靈者所能幾及

上海周然全撰詩序

施州衛寄所親云環衛皆君長東南盡竿叩流官乘小駟蠻婦  
織花寶刀劍生睚眦衣冠列附庸不煩司馬檄尺土亦王封

別裁集



公詩周序論之可謂語無溢美矣五古感懷云明月出高岑照  
見古人心古人不可見徘徊感悲吟幽泉生曲磴涼露落疎林  
瑟瑟園中綠聲響發瑤琴一鼓清商操山水爲知音薄遊向東  
臯輕颺捲庭樹野澤下牛羊寒簷集煙霧秋梧到晚陰奮策尋  
幽步華月耀當空美人何遲暮子夜歌云昨日見花開始信東  
風力誰着歡與儂少小便相識紫騮馬與歡同來去不記儂門  
前但記垂楊樹歡令人喜亦令人疑歡心不可知歡來今又去  
無計留歡住處處柳如絲更有留歡處近體從家叔及大悟先  
生遊江夏明經艾木田萬木園園距城東二里許竹籬茅舍四  
壁蕭然木出足不履城市二十餘年持一卷曝背日中吟咏自

得客至不問姓名但微抗手而已葛巾卉服簪杖芒屨看子弟  
蒔花種竹子弟輩亦安之無復進取意以賣花爲業而衣食其  
資故號木田云萬木羣爭秀春光先到園讀書多歲月對客少  
寒暄避世交游絕怡情松菊存我來茅屋裏疑是古桃源小橋  
臨曲澗茅舍足雲煙道守庚申日詩編甲子年眾香吹竹屋一  
水繞芝田老鶴無哀相翩翩已欲仙高處厚先生信宿山中賦  
此却寄云收拾看山眼尋幽到敝廬以君一日長贈我十年書  
天外孤雲合雨中夜氣疎村醪剛半熟不醉復何如愛此幽居  
好留連未肯回高懷平物我健筆擁風雷除夕云且放今宵醉  
年除愁亦除我將用我法吾亦愛吾廬上已宿生生林云飛來

嵐氣滿晴川。龜嶺煙波似去年。一百八聲鐘未了。春光暗度月  
湖邊。客談雜詠云。駿馬驕嘶百寶鞍。金多季子復高官。歸來恭  
倨分前後。偏在家庭着眼看。汨羅江水鬱沈冥。收拾江邊憔悴  
形。莫道問天天不語。至今天夢未曾醒。誰進王孫飯一盂。未央  
宮裏血模糊。死生不出婦人手。終愧鬚眉一丈夫。七里灘頭水  
氣清。羊裘猶覺未忘形。同時尚有牛牢在。不見當年奏客星。五  
丈秋原殺氣橫。出師未捷命先傾。茅廬錯鑄三分鼎。細雨猿嘯  
白帝城。偏安江左鶴承軒。燕子雙飛王謝園。漫說風流誇兩晉  
全將塵尾誤中原。月露風雲盛六朝。文章王氣亦全消。江流不  
盡興亡憾。空對文人送晚潮。清平絕調動君王。天上長庚是酒

狂唐室功臣推第一醉中先識郭汾陽  
屣蹕西行事若何杜陵野哭淚痕多  
空將遺墨傳千古難博人間一制科  
誰教老子號癡頑鐵甲十重覩面顏  
長樂不知人事改逢人相贈是江山  
帖括文章法亦新腐儒章句竟終身  
賺人頭白名場老甯獨青苗始害人  
七絕風調尤高詠史每能推陳出新  
固由才筆兩雋亦緣識力俱超